



Broj predmeta: 02-000049/20
Broj akta: 01.1-1141SM-298/20
Datum, 8.6.2020.. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine („Službeni glasnik Brčko distrikta BiH“, broj: 22/18 – prečišćeni tekst, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine i broj akta: 01.11-1161DS-010/20 od 23. 4. 2020. godine, na prijedlog Odjeljenja za zdravstvo i ostale usluge od 26. 5. 2020. godine, nakon održane telefonske sjednice Štaba komandant Štaba gradonačelnik Brčko distrikta BiH dana 8. 6. 2020. godine i z d a j e

N A R E D B U

Član 1.

Ovom naredbom donose se preporuke za primjenu higijensko-epidemioloških mjera u periodu pandemije korona virusa prilikom rada javnog gradskog i prigradskog prijevoza na teritoriji Brčko distrikta BiH u skladu s aktuelnom epidemiološkom situacijom.

Član 2.

Preporučuje se da javni gradski i prigradski prijevoz bude popunjen do 50% od punog kapaciteta vozila.

Član 3.

- (1) Obavezno je korištenje maske i rukavica za vozača.
- (2) Putnici su u obavezi da nose maske i rukavice.

Član 4.

Preporučuje se postaviti fizičke barijere između vozačkog mjesta i putnika (od pleksiglasa ili slično), a ako to nije moguće, prvi red sjedišta iza vozača neće se koristiti za prijevoz putnika, a u izuzetnim slučajevima vozači mogu koristiti i vizir.

Član 5.

- (1) Organizovati ulaz putnika na prednja vrata vozila i njihovo kretanje prema ostalim vratima obilježenim naljepnicama za izlaz.
- (2) Obilježiti vrata za ulazak i izlazak putnika posebnim naljepnicama.
- (3) Ako autobus ima jedna vrata, prvo izlaze putnici iz autobusa, a zatim ulaze drugi putnici.

Član 6.

- (1) Preporučuje se da putnici sjede u oba reda do prozora s jednim praznim duplim sjedištem između.
- (2) Preporučuje se izvršiti markiranje mjesta za sjedenje.

Član 7.

- (1) Otvaranjem prozora postići prirodnu ventilaciju u vozilu.
- (2) Ne koristiti centralizovani način klimatizacije, osim ako je neophodno, u vozilima u kojima se prozori ne mogu otvoriti.

Član 8.

- (1) Na stanicama prema mogućnostima obilježiti mjesta za stajanje putnika s ciljem formiranja reda kojim se poštuje socijalna distanca.
- (2) Postaviti uputstva za ponašanje putnika prije ulaska u vozilo kao i tokom vožnje.
- (3) Putnici u vozila javnog gradskog i prigradskog prijevoza trebaju ulaziti po principu „jedan po jedan“, što se preporučuje i za izlazak iz vozila.

Član 9.

Putnici koji imaju bilo koji od simptoma respiratorne infekcije moraju odustati od vožnje.

Član 10.

Prijevoznik je dužan i dalje provoditi pojačan nivo održavanja higijene u vozilima, što podrazumijeva svakodnevnu pojačanu dezinfekciju unutrašnjosti vozila (vozačka kabina, rukodržači, sjedišta i sl.).

Član 11.

Ova naredba stupa na snagu danom donošenja, a objavit će se u „Službenom glasniku Brčko distrikta BiH“.

DOSTAVITI:

1. Uredu gradonačelnika,
2. Zamjeniku gradonačelnika,
3. Glavnom koordinatoru Vlade Brčko distrikta BiH,
4. Svim odjeljenjima Vlade (12x),
5. Sekretarijatu Vlade (3x),
6. Odjeljenju za zdravstvo i ostale usluge
– Pododjeljenje za javno zdravstvo,
7. Uredu za upravljanje javnom imovinom Brčko distrikta BiH,
8. Uredu gradonačelnika / Inspektorat,
9. Policiji Brčko distrikta BiH,
10. Članovima Štaba (34x),
11. Ministarstvu sigurnosti BiH, terenski centar Brčko
– Služba za rad sa strancima, Trg mladih br. 8,
12. Ministarstvu sigurnosti BiH – Granična policija BiH,
13. Institucijama Brčko distrikta BiH (8x),
14. Crvenom krstu/križu Brčko distrikta BiH,
15. Javnim preduzećima, fondovima i Zavodu (7x),
16. „Službenom glasniku Brčko distrikta BiH“,
17. Arhivi.

GRADONAČELNIK

Mr. sc. Siniša Milić